

尚

書

啟

蒙

尙書版幪卷五

周書下

定海黃式三學

多方

惟五月丁亥王來自奄至于宗周

鄭君曰奄國在淮夷之旁周公居攝之時亦叛王與周公征之三季滅之自此而來歸江曰多士云管朕來自奄卽謂此時然則多方在多士時且不比也宗周鎬京式三謂奄有再叛之事也

周公曰王若曰猷告爾四國多方惟爾殷侯尹民我惟大

降爾命爾罔不知

江曰四國管蔡商奄多方庶邦也殷之言眾眾侯猶諸
侯也尹治也周公稱王命以誥曰誥道爾四國民庶邦
君惟爾諸侯治民者我大下于爾敎命爾無不知之

洪惟圖天之命弗永寅念于祀

江曰洪惟語詞也寅當爲齎字之誤齎敬也言王者圖
度天命而不長敬念于祭祀乎此泛言之也式三案圖
屠通剝也下言大淫圖天之命圖厥政不集于享皆同
惟帝降格于夏有夏誕厥逸不亡愆言于民乃大淫昏不

克終曰勸于帝之迪乃爾攸聞

迪江氏訓道馬本作攸云攸所也江本惑作賊江曰賊
憂也惟帝升降于夏以監其德有夏大肆伏樂不肖有
憂賊之言加于民言不鄙民也乃大淫荒昏亂不能一
日勸勉于天之迪乃汝所聞知也

厥圖帝之命不克聞于民之靈乃大降罰崇亂

開通也靡施也行也崇重也言桀剝絕天命不能開通
于民之所施行天乃大降禍重亂也

有夏因甲于內亂不克靈承于旅

江曰甲讀為狎狎習也靈善旅眾也不能善承于眾
罔丕惟進之蒸洪舒于民

罔無也不與不通進費通財也蒸其通具也舒一佗茶
言樂食無不以財費其奉大為荼毒于民也本孫疏
亦惟有夏之民叨憤日欽剿割夏邑

叨憤江從說文佗饕餮注云饕食也餮忿戾也孫曰欽
與戾通興也剿與害通亦惟夏民貪戾日興謂上有好
者下必有甚也殘害夏邑如湯誓所謂率割夏邑
天惟時求民主乃大降顯休命于成湯制殄有夏

天惟是求可爲民主者乃大下光顯休美之命于成湯使之誅絕有夏

惟天不畀純乃惟以爾多方之義民不克永于多享

純屯通眾也與侵戎我國家純同不畀純謂天不與桀以大眾也孫疏純醕通好也言天不與以美報也義民猶大誥之民儀謂賢者江孫說同言天之所以不與者由桀于賢人不使之久于厚享祿位也

惟夏之恭多士大不克明保享

恭其通惟夏之共職多士大不克明保享祿位之道也

于民乃胥惟虐于民至于百爲大不克開

于民乃胥惟虐于民言桀于民乃皆惟暴虐于民也句讀解義本孫疏至于百爲大不能開言百事不能開導也

乃惟成湯克以爾多方簡代夏化民主愼厥亂乃勸厥民
勸用勸

江曰簡擇也乃惟爾多方之賢者簡擇而任之用是代夏爲民主孫曰簡開通代也一說簡大也武三案愼厥亂乃勸謂愼所施行乃所以勸勉其民也厥民用勸

謂制罰其有梟者亦用勸勉其民也

以至于帝乙罔不明德慎罰亦克用勸要囚於戮多臯亦克用勸罔釋無辜亦克用勸今至于爾辟弗克以爾多方享天之命嗚呼

爾辟謂紂

王若曰誥告爾多方非天庸釋有夏非天庸釋有殷乃惟爾辟以爾多方大淫圖天之命爾有辭

庸川釋舍也大淫圖大過剝器也屑悉通悉有臯狀也屑一佗洸佗佗

乃惟有夏圖厥政不集于享天降時罍有邦聞之

集成也剝害其政不成于天之所享天乃降是禍有國代之間代也謂商

乃惟爾商後王逸厥逸圖厥政不調烝天惟降時罍

馬曰調明也烝升也孫曰調潔也烝美也

惟聖罔念他狂惟狂克念他聖天惟五季須暇之子孫

一本暇下有湯字是也暇鄭君本作夏注曰夏之言暇

天觀紂能改故待暇其終至于五季五季者文王受命

八季至十三季也江王申鄭君說云文王受命七季而

崩則受命八季是武王卽位之季至十一季觀兵十三
季一月乃伐紂是周市五季也式三案傳記言文王受
命者或七季或九季言武王觀兵者或九季或十一季
其言伐紂或十一季或十三季說固不一莊棣瑛不信
舊說以五季謂旣誅紂立武庚之季於經上下亦復不
貫蓋此五季指紂言者是也五季者約言其數之多也
左傳秦鍼曰國無道而季穀和軌天贊之也鮮不五稔
誕佗民主罔可念聽

江曰天須暇紂而紂爲民主肆行無道無可爲天聽念

者言紂自絕于天

天惟求爾多方大動以威開厥顧天

鄭君曰顧猶視念也式三案開厥顧天謂啟發其能顧
睭明命者也

惟爾多方罔堪顧之惟我周王靈承于旅克堪用德惟典
神天天惟式教我用休簡畀殷命尹爾多方

典敷通主也教示也簡擇也尹治也言爾多方無能顧
睭天命者惟我周王善承于眾能堪用德以主神天之
祀天惟是用示我周以休祥擇與殷命治爾多方也孫

曰簡大也

今我曷敢多誥我惟大降爾四國民命爾曷不忱裕之于
爾多方爾曷不夾介乂我周王享天之命今爾尙宅爾宅
畋爾田爾曷不惠王熙天之命

莊曰夾挾通達也不忱不夾句孫曰忱信也裕道也夾
近也介善也乂艾通相也畋平田也惠順也熙廣也式
三案夾介猶言左右也熙憲通樂也

爾乃迪屢不靜爾心未變爾乃不大宅天命爾乃屑播天
命爾乃自佗不典圖忱于正

迪屢不靜與迪屢未同一義迪攸通長也變惠也惠順也宅度通肩悉通播叛通自他不典圖忱于正佗不法之事剝絕忱信于正長也

我惟時其教告之我惟時其戰要囚之至于再至于三乃有不用我降爾命我乃其大罰殛之非我有周秉德不康寧乃惟爾自速辜

江曰戰愬也要囚要決所俘囚者之辜也重刑殺故戰愬速召也式三案戰交也要約也囚禁也謂交相要約而禁止之也有又通

王曰嗚呼猷告爾有多方士暨殷多士今爾聿忝臣我監
五祀

江曰監謂三叔監于殷者祀季也商曰祀周曰季告殷
民故曰祀武王命三叔監殷殷民皆臣服于茲十季矣
言五祀者本其未叛時言也式三謂奄再叛而踐之當
在遷洛五季之後也

越惟有胥伯小大多正爾罔不克臬自他不和爾惟和哉
爾室不睦爾惟和哉爾邑克明爾惟克勤乃事

胥伯今文化胥賦解爲賦稅江曰胥謂繇役繇役亦賦

也故曰胥賦小大多正謂各長官也臬法也正一佗政
罔不克臬無不能循法之人也明勉也言爾和于己和
其室并使洛邑皆能勸勉則爾之能勤于事也

爾尙不忌于凶德亦則以穆穆在乃位克閱于乃邑謀介
尙一佗上庶幾也忌一佗舊謂隱諱之也穆穆敬也亦
寶也閱說通服也介善也言汝庶幾不隱藏其耶心實
則以敬在汝位克服于汝邑謀善也

爾乃自時洛邑尙永力畋爾田天惟畀矜爾我有周惟其
大介我爾迪簡在王庭尙爾事有服在大僚

孫曰昇賚予也迪進也簡束通擇也服事也僚官也言
汝從遷之洛邑汝庶幾能永遠用力治汝田天惟予汝
矜汝我周惟其大善賜予汝進擇汝在王之廷加汝所
事有事在大官也江曰介助也尙爾事言將顯用之也
王曰嗚呼多士爾不克勸忱我命爾亦則惟不克享凡民
惟曰不享爾乃惟逸惟頗大遠王命則惟爾多方撓天之
威我則致天之罰離逸爾土

江曰致功曰享謂致其所爲之功事于上也撓取也爾
多士不能裕其忱于爾多方勸其忱信我教命爾亦以

惟不致功事以享矣凡多方之民亦惟曰不享矣爾乃放佚頗褻大違背王命則惟爾多方自取天之威我則致天之罰于汝分離奪汝土也

王曰我不惟多詰我惟祇告爾命又曰時惟爾初不克敬于和則無我怨

祇敬也言非多此詰乃敬告之也于與通言爾之始不能敬與和有此遷居無怨我也

立政

周公若曰拜手稽首告嗣天子王矣用咸戒于王曰王左

右常伯常任準人綴衣虎賁周公曰嗚呼休茲知恆鮮哉
伯一佗攸準一佗辟江曰常伯常任準人卽夏商之三
宅文武之三事也綴衣虎賁文武有其官夏商則未聞
焉虎賁守王宮見周禮綴衣則未有見蓋侍帷幄之臣
也恆收鮮善也周公達羣臣以見于王曰羣臣拜手稽
首有告于嗣天子王矣羣臣用皆戒于王曰王左右之
臣若常伯常任準人綴衣虎賁諸官者周公卽贊之曰
美哉此諸臣之戒知收受其言斯善哉所戒之詞下文
所云皆是也戒王者周公之意使羣臣發其端不欲專

所戒也孫氏以準人爲治獄之官愼訓憂鮮訓卑阮雲
臺曰鮮斯通

古之人迪惟有夏乃有室大競籲俊尊上帝

江曰有夏謂禹也有室卿大夫之家競彊也多賢人故
曰大競詩曰燕競惟人言古之有道者惟有夏之爲天
子矣其巨室多賢其君招呼其賢俊以亮天功以尊事
上帝孫疏引畢說迪山通邁也語詞釋詁邁山皆訓自
迪惟有夏猶云邁惟有夏也

迪知忱恂于九德之行乃敢告教厥后曰拜首稽首后矣

曰宅乃事宅乃牧宅乃進茲惟后矣謀而用不訓德則乃宅人茲乃三宅無義民桀德惟乃弗化往任是惟暴德罔後

迪訓道孫疏引雖說忱誠也恂信也宅居也江孫同事謂三事大夫孫說牧州牧殷之州牧曰伯庚夏及周皆曰牧鄭君說漢石經謀上有亂字江本從之云面向也石讀曰不義民賢俊之臣此爲夏臣告禹之辭言三宅得人此惟君道矣若惑亂其謀向用不順之德則三宅失人矣江說如此王石廬云義民謂邪民義讀爲俄孫

說從之言三宅在我后之察言觀色用大順德之人則
三宅無邪民也式三謂茲惟后矣句謀面句連讀茲惟
猶亦惟面緬通遠也言夏之臣誠信九德而後薦于后
既慎于薦人矣亦惟夏后謀之煥遠用大順德之人以
宅之也茲乃三宅無義民連下讀謂桀也德惟乃弗作
句作川也言桀于有德者惟乃弗用之也往任是惟暴
德言往受是職者惟暴棄其德之人也此言三宅之所
以無義民也國後器亡無後也

亦越成湯陟丕赫上帝之耿命乃川三有宅克卽宅曰三

有俊克卽俊

江曰亦者亦夏先王也釐理耿光卽就也亦于成湯升天子之位大理上天之光命乃用事收維三宅之官能就其所居之位言稱職舉剛克柔克正直三德之俊能就其俊惠言舉不失實式三案亦越亦及也克昇也左傳昇備曰克卽尼也尼定也見釋詁謂昇定宅昇定俊也

履惟丕式克用三宅三俊其在商邑用協于厥邑其在四方川丕式見德

嚴惟丕式嚴其用人之大治也不式見德四方大治其
箸見之德也

嗚呼其在受德啓

受德卽紂也啓強也昏也一化恣段以爲壁中古文

惟善刑暴德之人同于厥邦乃惟庶習逸德之人同于厥
政

善刑暴德之人孰練于刑暴棄于德之人也善孰也庶
近也習狎也逸德放迭于德也

帝欽罰之乃俾我有夏式商受命奄旬萬姓

欽獮重也見江疏罰之誅之也倅使也言天重誅紂乃使我有中國洽商湯之受命以大治萬民也

亦越文王武王克知三有宅心灼見三有俊心以敬事上帝立民長伯

灼明也說文作焯俊漢石經作會江曰焯明也文武惟克知焯見宅俊之心與之敬事上天立以爲民長伯伯亦長也

立政任人準夫牧伯三事

江曰三事猶三宅也上言宅乃事宅乃牧宅乃準下言

立事準人牧夫此變事言任人一也言文武立政以任人準收爲三事也

虎賁綴衣趣馬小尹左右攜僕百司庶府大都小伯藝人表臣百司太史尹伯庶常吉士司徒司馬司空亞旅

江曰此皆文武之官多與周禮異者周公制周禮有因有革也

夷微盧烝三亳阪尹

盧一作繼江曰烝君也蠻夷微繼二國之君臣服于周者也鄭君曰三亳者湯都之民服文王者分爲三邑

其長居險故曰阪尹蓋東成皋南轅轅西降谷也

文王惟克厥宅心乃克立茲常事司牧人以克俊有德文王罔攸兼于庶言

惟克厥宅心謂專厥三宅之心也以克俊有德謂專俊有德也漢石經作惟厥度心江本從之江曰心能制諠曰度詩曰帝度其心常事司牧人取括上文之官也以用也罔攸兼無所兼采也庶言眾人毀譽之言也文王惟心能制諠乃能立此常事司牧人皆用能俊有德者文王無兼任毀譽之言也

庶獄庶慎惟有司之牧夫是訓用違庶獄庶慎文王罔敢
知于茲

江曰庶獄眾刑獄庶慎諸所當慎之事庶獄庶慎惟于
所司之牧夫訓戒其用命無違命而已庶獄庶慎文王
毋敢與知于此王伯申曰之猶與也謂有司與牧夫也
亦越武王率惟敕功不敢替厥義德率惟謀從容德以並
受此丕丕基

率語詞之率敕終也率惟敕功率惟終功也謀詢之也
率惟謀從容德率惟謀從于休休有容之德也孫曰從

順也容寬也肆惟謀順文王寬容之德以並受此大業也漢石經此作茲基作其

嗚呼孺子王矣繼自今我其立政立事準人牧夫我其克灼知厥若丕乃俾亂

我其立政句與下繼自今立政句同若善也丕讀爲否言孺子曰王矣我其自今立政於三宅之人我必克灼之不克灼之則致亂也江曰丕語聲亂治也言克灼知其善乃使之治也孫說同連下二句讀

相我受民和我庶獄庶愼時則勿有聞之自一話一言我

則末惟成德之彥以又我受民

相治也勿一佻物聞讒聞也言有物說聞之也話會議也末終也言事準牧能治我受民和我庶獄庶愼皆成德之彥也時則物雖有讒聞之者我自一會議一出口終息成德之彥以治我受民也

嗚呼予旦已受人之微言咸告孺子王矣

微美也漢石經但旦以并人之微言孫曰微與媿聲義相近微言亦美言也

繼自今文子文孫其勿誤于庶獄庶愼惟正是又之

文善也見禮樂記注善子善孫猶言賢子賢孫也正長官也庶獄庶慎惟長官是治勿誤也

自古商人亦越我周文王立政立事牧夫準人則克宅之克由繹之茲乃俾乂

孫曰由用也繹與黷通說文終也一本宅作度由作猶國則罔有立政用儉人不訓于德是罔顯在厥世

馬曰儉人佞人也江曰國若無有立政用儉人不順于德是無有光顯在其世矣今文在作哉

繼自今立政其勿以儉人其惟吉士用勸相我國家

儉說文他憊又他諗一本他儉勸勉力也

今文子文孫孺子王矣其勿誤于庶獄惟有司之牧夫其克詰爾戎兵以陟禹之迹方行天下至于海表罔有不服以觀文王之耿光以揚武王之大烈嗚呼繼自今後王立政其惟克用常人

詰實也兵戎算患乎虛故曰實言實備也本馬注陟孳也方勸通溥也觀審見也耿明也庶獄主之牧夫其牧夫能實備戎兵襲禹迹以溥行天下也觀一他勸耿一他鮮

周公若曰太史司寇蘇公式敬爾由獄以長我王國茲式有慎以別用中罰

江說司寇蘇公式句孫說式連下讀江曰蘇公名忿生當武王時爲司寇者式法也由用也太史掌六典八灋八則凡國之典藉皆藏焉蘇公蓋有成灋藏于太史故因上言庶獄而呼太史以丁寧焉言司寇蘇公之灋敬爾用獄以培養我王國俾蘇公之灋善茲式指謂蘇公之灋也于此灋有加慎焉以其輕重條別酌用其中罰可也周禮曰刑平國用中典孫曰式用也別等比也中

平也以剡用中罰以其等比用平罰也

顧命

惟四月哉生魄王不懌

惟俗本作厥鄭君曰此成王二十八季魄一作霸懌馬
作釋注云不釋疾不解也一作不豫江曰不懌不悅也
言有疾

甲子王乃洮頰水

馬曰洮洮髮也頰頰面也鄭君讀洮為濯濯滌衣也段
氏申之云周禮守祧注古文祧為濯爾雅郭本洮眾家

皆化濯是其例也頽一佗沫一佗頽孫曰頽俗字當佗
頽或沫

相被冕服憑玉几

鄭君曰相者正王服位之臣謂太僕冕元冕憑俗字一
佗凭正字一佗馮俗字

乃同召太保黃芑伯彤伯畢公衛侯毛公師氏虎臣百尹
御事

鄭君曰公兼官以六卿爲正次芑伯入爲宗伯畢公入
爲司馬江曰同召羣臣受顧命也太保以下六人蓋六

卿也太保獨名者召公周公之兄也至是時出入百歲
矣嫌太保別是一人故特署名焉芮彤畢毛皆畿內諸
侯師氏中大夫官掌以美詔王者虎臣虎賁氏下大夫
也掌守王宮者尹正也百尹御事眾正之官與其治事
者

王曰嗚呼疾大漸惟幾病曰臻既彌留恐不獲誓言剛茲
予審訓命汝

江曰漸進也大進言深入也幾殆也疾甚曰病臻至彌
終獲昇誓謹審詳也言病日至已當命終而淹留之際

恐不昇謹言後嗣之事今我詳審訓教以命女式三案
彌靡通既靡雷言不淹雷也誓言告言也嗣茲言繼此
者也恐不獲誓言嗣茲句

咎君文王武王宣重光奠麗陳教則肄肄不違用克達殷
集大命

咎君一佗咎先君一佗咎我君達一佗通集一佗就宣
重光宣著鍾美也麗所施行也與開于民之麗同奠麗
陳教定所施行陳其教化也肄肄不違謂勞勞不厭倦
也用克通殷集大命統有殷國成其大命也

在後之侗敬返天威嗣守文武大訓無敢昏逸

侗馬本侗詞注曰詞其也式三案在後之侗敬返天威八字爲句言在後人之其敬迎天威也一說侗未成器之人見論語注成王自謂也返段本侗御說文引侗在夏后之訓有譌衍字

今天降疾殆弗興弗悟爾尙明時朕言用敬保元子釗弘濟于艱難柔遠能邇安勸小大庶邦恩夫人自亂于威儀爾無以釗冒貢于非幾

悟覺也貢入也冒貢江本侗勸贛江曰釗康王名安遠

方之國忝順其近者以安集勸勉小大眾國勸勉也夫
人泛言人也亂治也以左右之也勸讀爲冒觸也賴陷
也非幾不善之微者也

茲旣受命還出綴衣于庭

鄭君曰連綴小斂大斂之衣于庭中王孫從鄭君說江
曰羣臣旣受顧命而還還也今文旣爲卽字之誤綴衣
帷握之屬帷握必以綬聯綴故謂之綴衣將發顧命卽
王寢而張焉事訖擗衣出之于庭中也

越翼日乙丑王崩

王崩古本作成王崩翼一作翌

太保命仲桓南宮毛俾爰齊侯呂伋以二千戈虎賁百人
逆子釗于南門之外

仲一作中毛作髦江曰周禮虎賁氏下大夫二人仲桓
南宮髦蓋爲是官也爰引也齊侯呂伋太公子玃公也
呂氏倂名逆迎也桓髦官卑不可徑迎太子故使引導
齊侯往迎也虎賁百人虎士也桓髦各執干戈逢虎士
百人爲齊侯辟引且爲嗣王衛也王既崩而世子猶在
外世子蓋以王未疾時奉使而出比反而王崩變危之

際故以兵迎之于南門之外據孫說南門者廟門史記
所謂二公率諸侯以太子釗見于先王廟是也王石塘
云爰與也

延入翼室恒宅宗

宅一化度江曰翼室路寢傍室恒惠也宗猶主也延于
釗入路寢之傍室惠居爲器主孫曰翌室左路寢也據
段說翼化翌翌明也明室卽明堂也明堂卽路寢也

丁卯命化冊度

江曰命化冊者以書成王命詞也度者冊長短之數孫

曰度法制也蓋謂器儀

越七日癸酉伯相命士須材

鄭君曰癸酉蓋大敘之明日也王肅曰召公爲二伯相
王室故曰伯相江曰須當爲頒字之誤也頒布也材桴
材也檀弓曰旣殯旬而布材式三案須待也材用也命
士待川統下陳設事

狄設黼屨緇衣

江曰狄樂吏之賤者斧謂之黼其緇白黑采以絳帛爲
質屨之制如屨風然設黼屨于明堂太室之南戶外聯

綴帷握張于其所

牖開南嚮敷重篋席黼純蓐玉仍几

王肅說此爲見羣臣觀諸侯之坐段說嚮俗字古作鄉
敷一作布古通篋當作篋篋訓細故馬云篋者纖弱義
正合說文作篋云篋席纖弱席也亦同鄭君曰篋析竹
之次青者鄭君意析其最外之青皮爲席謂之笱席析
其次青者爲席謂之篋席篋同禮注之黼字也孫曰篋
卽蓐之假借字篋從竹者俗黼純以白黑采緇緣席邊
也白與黑謂之黼純緣也蓐玉鄭君以爲五色玉江曰

仍因也因生時几也不用生時席嫌几亦變之故曰仍几

西序東嚮敷重底席綴純文貝仍几

西序鄭君以爲旦夕聽事之坐鄭君曰底致也蔑纖致席也段申之云致者今之綴字謂蔑席之纖致者馬曰底青蒲也江申之云周禮蒲筵綴純以此上下文與周禮參之則綴純當其綴純然則底席青蒲席與言底者見其功致也綴純孫氏謂與大鼓禮赤綴戶之綴同飾也則綴純綴純也文貝貝之有文者

東序西嚮敷重豐席畫純雕玉仍几

東序王肅以爲魯國老饗羣臣之坐豐席王肅以爲楚
席段中鄭君說以爲刮漚之竹席漚治也筓席用竹外
青皮而不刮治豐席用竹外青皮而刮治鄭君說四席
皆主竹而言豐筓以外青刮治與不刮治爲別底簋以
次青紵與不紵爲別不率合周官爲說也鄭君曰畫純
似雲氣畫之爲緣雕玉玉之雕琢者雕一佗彫

西夾南嚮敷重筓席玄紛純漆仍几

西夾王肅以爲親屬私燕之坐筓席鄭君云析竹青皮

爲之禮器如竹籥之有筠元紛純以元組爲之緣江本
漆佗泰云泰木汁也以髹几

越王五重陳寶赤刀大訓弘璧琬琰在西序

馬曰越王越地所獻王也寶一佗案鄭君曰陳寶者方
有大事以鬱國也赤刀者武王誅紂時刀赤爲飾周正
色也大訓者謂禮法先王德教宏大也大璧琬琰皆度
尺二寸者江曰王蓋王所服用者攷工記天子用全上
公用駟侯用瓚伯用埴禮家說曰全純玉也駟四玉一
石瓚三玉二石埴玉石半相埴也然則純玉五玉也玉

重石輕故曰五重

大玉夷玉天球河圖在東序

馬曰夷玉東夷之美玉球玉磬鄭君曰大玉礪山之球也夷玉東北之珣玕琪也天球雍州所貢之玉色如天者三者皆璞未見琢治故不以器名之河圖圖出于河帝王聖者之所受一本河圖下有雒書二字

盾之翬衣大貝鼗鼓在西房兒之戈和之弓坐之竹矢在東房

鄭君曰允也兒也和也坐也皆古人造此物者之名大

貝者書傳曰徹玄生之江淮之浦取大貝如車渠是也
鼗鼓大鼓也此鼗鼓非攷工記鼗鼓長八尺者若是周
物何須獨寶守明并代之物與周鼗鼓同名耳

大輅在賓階面綴輅在阼階面先輅在左塾之南次輅在
右塾之南

輅當作路綴鄭本作贅鄭君曰大輅玉輅贅次次在玉
輅後謂玉輅之貳也先輅象輅門側之堂謂之塾謂在
路門內之西北面與玉路相對次路象路之貳與玉路
之貳相對在路門內之東北面不陳金路革路木路者

主于朝祀而已江曰賓階西階面猶辨也阼階東階陳此四路以西爲上者殯在西堂統于殯也

二人雀弁執惠立于畢門之內

鄭君曰赤黑曰雀言如雀頭色也雀弁制如冕黑色但無藻目惠狀蓋斜刃宜芟刈江曰畢門路門也

四人綦弁執戈上刃夾兩階阼

綦鄭本作騏注曰青黑曰騏戈卽今之鉤子戟江曰阼切也謂堂廉直下屋也蓋夾兩階者二人一在西階之西一在阼階之東當弁廉屋下相鄉而立夾阼者二人

一立于東南堂隅之東一立于西南堂隅之西堂并廡
厓下之兩端蓋皆南鄉也合言四人者以其兵服同故
也

人冕執劉立于東堂一人冕執鉞立于西堂

鉞當化戊鄭君曰劉蓋今鐃斧鉞大斧序內半以旂曰
堂式三案序者堂東西牆序外是東西堂云序內半以
旂曰堂據中堂以明其東西堂也此經所言宮室之制
依鄭君此注推之甚明諸儒援明堂制度以解此經未
敢信為必然也但參存之耳

一人冕執戣立于東坐一人冕執瞿立于西坐

鄭君曰戣瞿蓋今三鋒矛式三案戣從癸從戈篆文癸
他幾今三鋒矛中形者蓋古之戣也瞿王氏以爲如古
文甲字鋒刃似雙目下柄似一式三案說文甲目左右
視也瞿鷹隼視也兵器之瞿當作明爲正字東坐東堂
之外邊隅西坐西堂之外邊隅在階上也史書言千金
之子坐不坐堂是堂外邊隅名坐也江曰坐邊也謂東
西序外之堂廉也

一人冕執銳立于側階

鄭君曰銳矛屬凡此七兵或施矜或箸柄周禮戈長六尺六寸其餘未聞長短之數側階東下階也江曰銳說文引作銳隸古定本亦作銳唐衛包奉詔改作銳側階北下階也在北堂之下側之言特北堂惟一階故曰側階江氏又據攷工記注凡矜八觚以申鄭君注矜柄之異云隋圖者柄也其手握處圓而握不及處爲八觚者矜也

王麻冕黼裳由賓階躋

鄭君云黼裳者冕服有文者也江本裳化常躋化躋曰

麻冕三十升之布以爲冕也。黼黻也。自西階升未敢當主且卽殯井便也。

卿士邦君麻冕蟻裳入卽位

鄭君曰蟻謂色元也。卽位者卿西面諸侯北面。江本蟻作蛾。注曰蛾虺蜉也。服章燕蛾。蛾常常色如蛾者入者入畢門也。

太保太史太宗皆麻冕彤裳

江曰彤常纁常

太保承介圭上宗奉同瑁由阼階躋

承亦奉也介圭鎮圭也攷工記玉人職云鎮圭尺有二寸天子守之爾雅釋器云圭大尺二寸謂之玠玠介古通用詳見江孫說上宗鄭君以爲猶大宗變其文者春官之長大宗伯一人與小宗伯二人凡三人使其上二人也一人奉同一人奉瑁同酒杯瑁所以冒圭者今文家說同改他銅解爲天子副璽馬氏說以同瑁爲一物瑁稱同者大同天下之意虞翻改同爲同亦是一物以此駁鄭君說段曰鄭君訓同爲杯則上宗奉同王受同三宿三祭三咤太保受同及以下同字皆如貫珠江曰

同圭瓚也以挹鬯祼祭者周禮謂之祼圭瓚亦玉也所以冒諸侯圭攷工記曰天子執瑁四寸以朝諸侯太保上宗皆奉天子之重器故皆升自阼階

太史乘書山賓階臍御王冊命

鄭君曰御猶嚮也王此時正立賓階上少東太史東面于嬪西南嚮讀策書以命王嗣位之事

曰皇后憑玉几道揚末命命汝嗣訓臨君周邦率循大卞燮和天下用荅揚文武之光訓

憑亦他馮正字他凭下當他并詳見段說江曰燮亦和

也太史言大君道揚臨終之命命汝嗣守茲訓以君臨
茲國率循大法以協和天下以對揚文武之耿光大訓
王再拜興荅曰眇眇予末小子其能而亂四方以敬忌天
威

荅一作對江曰興起也眇眇敬也亂治也言我敬末小
子其何能而治四方以敬忌天威乎謙也式三案而猶
以也

乃受同瑁

鄭君曰王既對神則一手受同一手受瑁

王三宿三祭三咤

鄭君讀宿為肅讀咤為卻云徐行并曰肅退行曰卻王
徐行并三祭又三卻復本位江氏宿讀為蒦云蒦字或
作緇省為宿禮祭束茅加于祿主而灌鬯酒是為蒦也
咤江氏從說文化託云託與竇酒也三奠竇者以初饗
不躋酒也

上宗曰饗

江曰饗勸疆之也王不躋酒勸疆之使躋故曰饗
太保受同降盥以異同秉璋以醑

江本醢化醢從說文注曰王以上宗勸而嚙酒既嚙則以同授太保太保受之以降置于僮盥澡手也字從白水臨皿指事也以異同秉璋者半圭曰璋此同以璋柄所謂璋瓚矣臣不敢襲君器故以異同也太保盥而取異同升酌執其柄以獻言醢者既獻則自醢也周禮時祭用祀皆有韡諸臣之所醢

授宗人同拜王荅拜

江曰爲將拜故授宗人同宗人小宗伯也王荅拜者雖君子臣禮無不荅

太保受同祭嘏宅

江曰受同受于宗人嘏嘗酒至齒也宅讀爲數度之度嘏酒有節度不啐以初器故也式三案上三託之託一作宅鄭君訓卻行孫據以爲說云太保受同祭嘗酒而卻返也

授宗人同拜王荅拜太保降收

江曰太保降而出應門不言出者于下言入見之省文也收者蓋太史收冊書宗人收同與

諸侯出廟門俟

江曰諸侯卿士邦君也諸侯實出畢門言廟門者以壇
所在神之故謂出廟竢待也待王出祗朝也偽古文本
顧命篇止于此今從伏生本合為一篇

王出在應門之內太保率西方諸侯入應門左畢公率東
方諸侯入應門右

江曰王出出畢門也在應門之內位于明堂之庭也應
門明堂之庭入門則西為左東為右各隨其方為位式
三案天子之門皋庫雉應路上言畢門之內路門內也
又言諸侯出廟門謂出路門也王亦出路門在應門之

內則諸侯之朝者入應門說詳王氏後案云此應門與明堂應門無涉也

皆布乘黃朱賓稱奉圭兼幣曰一二臣衛敢執壤尊皆再拜稽首

布猶陳也四馬曰乘黃朱者黃馬朱鬣也見詩干旄疏引鄭君義鄭君又謂此幣圭以馬蓋舉王者之後以言耳諸侯當璽以帛亦有庭實白虎通引書黼黻衣黃朱紃段氏以爲布乘黃朱之異文此今文尙書也賓稱奉圭兼幣者賓招通奉圭兼幣擯者之辭故云稱見武虛

谷羣經義證說文引稱奉介圭江本從之壤尊謂獻壤地所生之物也算獻也見江疏皆再拜稽首惟釋辭者一人不拜亦見鄭君說

王義嗣德答拜

江說王當器未嗣位特以繼先王之體義當嗣先王之德以受諸侯之朝故答拜之此之謂禮以義起也式三案義嗣禮辭也經傳言禮辭者以禮辭之不堅辭也辭詞古通用轉寫化嗣道德之德說文化惠德外也此當訓升謂王既禮辭升位答拜也范氏說同

太保暨芮伯咸進相揖皆再拜稽首曰敢敬告天子皇天
改大邦殷之命惟周文武誕受美若克恤西土

美江訓進孫訓善式三案美善進也見說文若順也言
文武大受命而善順之也

惟新陟王畢協賞罰戡定厥功用敷邇後人休

江曰陟登假也謂崩也成王初崩得新陟王猶後世稱
大行也戡克敷敷也成王盡和協賞罰克定文武之功
以收邇後人之休美畢協一作必力戡一作以

今王敬之哉張皇六師無壞我高祖寘命

六師六軍寡命寡有之訓詞也江王段氏本願命篇文
止于此下為康王之誥今從伏生本

王若曰庶邦侯甸男衛惟予一人釗報誥

江曰報猶復也

咎君文武丕平富不務咎底至齊信用昭明于天下

孫曰丕大也平成也富備也務猶通冒也冒咎者干冒

災咎也底止也齊中也言文武之道大成備故不干災

咎止于至中也式三案信語詞之誠也言誠能昭顯于

天下也

則亦有熊羆之士不二心之臣保乂王家用端命于上帝
端正也言正命于天也

皇天用訓厥道付畀四方乃命建侯樹屏在我後之人
江曰屏蔽也在存也用是順文武之道付與之以四方
乃命之封建諸侯樹為屏蔽以存在我後人言天命之
傳子孫也孫曰在者王氏念孫云謂相顧在

今予一二伯父尚胥暨顧綏爾先公之臣服于先王

孫曰尚庶幾也胥相也綏繼也言繼爾先公之臣服于
先王也本王伯申說

雖爾身在外乃心固不在王室川奉恤厥若無遐鞠子羞
江本固伯無江曰恤收也若善也雖女身守國于外女
心毋不存在于王室川奉收其善以藩輔我毋遺我鞠子
以羞也鞠子穉子康王自謂

羣公既皆聽命相揖趨出王釋冕反器服

鄭君曰羣公謂諸侯與王之三公諸臣亦在焉王釋冕
反器服朝臣諸侯亦反器服禮器服爲臣爲君諸侯爲
天子皆斬衰江曰麻冕以接諸侯明已繼體爲君也釋
冕反器服明未僭王以統事也戴東原曰馬鄭王本分

王若曰已下爲康王之誥東晉古文分王出在應門之內已下爲康王之誥皆非也考此篇自狄設黼服綴衣至末踰季卽位事也必曰并陳設故不書曰踰季卽位禮之大常不必書曰而知也大保降收則受冊命畢而諸侯出廟門侯王出在應門之內乃記卽位之儀顧命之篇其大端有三羣臣受順命一也踰季卽位康王先受冊命二也適治朝踐天子之位三也

賈誓

公曰嗟人無譁聽命

公伯禽也或曰史記謂誓位于管叔之亂蓋不可信後漢書東夷傳云徐戎僭號率九夷以伐宗周穆王命征之誓蓋位于是時鄭君本以是篇次呂刑并蓋本此則公非伯禽與鄭君曰人謂軍之士眾及費地之民江曰
謫謹也

祖茲淮夷徐戎並興

江曰淮夷淮浦之夷徐戎徐州之戎興起也言往征此淮夷徐戎並起為寇者孫觀聽命祖茲句言聽我教命往此費地王伯申曰祖讀為且今也

善敔乃甲冑敔乃干無敢不弔

敔史作陳弔史作善鄭君曰敔謂竄徹之敔謂繫也弔至也至猶善也江曰至謂密致也密致則堅甲冑也干也皆所以致衛者故戒以無敢不堅致式三案說文敔擇也謂簡擇也

備乃弓矢鍛乃戈矛礪乃鋒刃無敢不善

江本從說文備作菹礪作厲鋒作鑄注云菹具也鍛椎鍊之也厲摩之也鑄兵耑也刃刀堅也

今惟淫舍牯牛馬杜乃獲敔乃弔無敢傷牯牯之傷汝則

有常制

說文引經無淫舍二字杜作戲弄乃阱之重文江本從之江曰犗者敝木于牛馬之腳使不尋走佚軍中牛馬或備夏迭駕舍不盡備棄恐有忤佚故須犗也戲閉也搜柁器也敝塞也山林之田春始穿地為阱或設柁器于其中以遮獸秋則閉塞之時恐有未閉塞致傷所犗牛馬故誓戒之江說本鄭君義讀犗為犗據段氏申鄭舍置也謂大置犗于牛馬也

馬牛其風臣妾逋逃勿敢越逐

鄭君曰風走逸臣妾斯役之屬也江曰逋亡越踰逐追也禁勿畝踰越部伍而追逐恐亂其行劉
臧復之我商賚汝

江曰商讀爲章章明也其有尋獲此風逸之馬牛亡逃之臣妾而復還其故主我其明商賚汝據段說商謂商度史遷祇作敬一作振
乃越逐不復汝則有常制

汝則有句常制句失伍攘竊之事依常制

無故寇攘踰垣牆竊馬牛誘臣妾汝則有常制

鄭君曰寇劫取也因其逸匹曰攘

甲戌我惟征徐戎時乃糗糧無敢不逮汝則有大刑

乃史佚爾糗說文佚餽江曰峙具也餽乾食也逮及也
大刑馬說以爲大刑

魯人三郊三遂

王肅曰邑外曰郊郊外曰遂東郊謂守故言三遂史佚
隨

峙乃楨榦甲戌我惟築無敢不俱汝則有燕餘制非殺

楨榦皆築具築牆及城者以繩束板立木兩旁爲榦又

置木于兩首爲楨孫氏申馬注如此有無餘刑謂盡奴
妻子不遺種類鄭君說如此式三案餘除通治也非刑
之省謂有不治者其刑或剕或殺也

魯人三郊三遂峙乃芻蕘蕘敢不多汝則有大刑

鄭君曰芻乾芻也多史佗及

呂刑

惟呂命

鄭君曰呂侯受王命入爲三公江曰呂甫侯氏也

王享國百季奄荒度佗刑以詰四方

鼃本亦作鼃。佗。眊。佗。施。佗。耗。度。下一本有時字。荆上一本有詳字。詰。一。佗。詰。江曰。言百季者。于時穆王季百歲也。眊。讀與眊同。眊。荒考也。王既老而審度時。宜佗詳。齊之荆使四方謹行之。詰謹也。式三案。鼃。句。絕。荒度。佗。荆。句。與。荒。度。土。功。句。治。同。義。亦。同。

王曰。若古有訓。蚩尤惟始。佗亂延及于平民。

鄭君曰。蚩尤。霸天下。黃帝所伐者。

罔不寇賊。鴟義。

鄭君曰。鴟義者。盜賊狀如鴟。巢也。馬曰。鴟。輕也。式三案。

賜一佗消謂滅義也

姦宄奪攘矯虔

鄭君曰有因而盜曰攘矯虔謂撓擾春秋傳虔劉我邊
陲謂劫奪人物以相撓擾也宄一佗軌通奪一佗敝正
字矯江本佗撓

苗民弗用靈制以制惟佗五虐之制曰沕殺戮蕪辜

鄭君曰苗民謂九黎之君也九黎之君于少昊氏衰而
棄善道上效蚩尤重刑必變九黎言苗民者有苗九黎
之後顓頊代少昊誅九黎分流其子孫居于西裔者爲

三苗至高辛氏衰又復九黎之惡堯興又誅之堯末又
在朝縣臣堯又數之禹攝位又在洞庭逆命禹又誅之
穆王惡此族三生凶惡故著其氏而謂之民民者冥也
言未見仁道式三案鄭君云棄善道解勿用靈也靈善
也云上效蚩尤重刑解惟佗五虐之刑曰濫也佗始也
曰語詞濫效也禮經本引此弗用靈佗匪用命墨子引
此佗否用練折則刑惟佗五殺之刑曰濫

爰始淫爲劓刵桷黥

鄭君本佗刵劓云刵斷耳劓截鼻桷謂桷破陰黥謂黥

黥人面苗民大為此四刑者言其特深刻異于皋陶之
為夏侯等書為臚宮劓割庶黥說文引經作剕劓斂
黥

越茲麗刑并制罔差有辭

鄭君曰越于也茲此也麗施也于此施刑并制其無辜
者江曰有辭有解說之辭謂無辜者也無所差別其有
辭者言皆制之

民興胥漸泯泯勢勢罔中于信以覆詛盟

民興胥漸民同為偷薄也漸暫通義見盤庚孫云漸訟

欺也引王伯申說泯泯莽莽一化緬緬紛紛見論衡及
漢書敘傳江曰緬緬昏也紛紛亂也覆孫訓敗言敗其
詛祝盟誓也

虐威庶戮方告無辜于上帝監民罔有辟香德刑發聞
惟腥

江本方化旁腥化胜江曰旁博也德外也苗民肆虐化
威眾被戮者受冤號呼博告無辜于上帝上帝監視苗
民無有辟香外罔惟制之發聞胜蔑爾

皇帝哀矜庶戮之不辜報虐以威遏絕苗民無世在下

江云皇帝顓頊也報當皋人也顓頊哀憐眾被戮者之
不以其辜報彼虐民者以威遏絕苗民使無有繼世在
于下土謂誅其身分流其子孫也戮一佞修以一佞用
乃命重黎絕地天通罔有降格

鄭君說皇帝哀矜庶戮之不辜至罔有降格皆說顓頊
之事乃命重黎卽是命重黎之身非義和也式三案鄭
君據楚語文也絕地天通謂分天地之通配也降下也
格外也言無有外降之禡糅也

羣后之逮在下明明非常鯀寡無蓋皇帝清問下民鯀寡

有辭于苗

羣后顓頊之諸侯也下謂羣臣也明明察也黜匪通匪
常異于常也蓋掩也顓頊既命重黎之後自諸侯及下
之羣臣明察異常黜竄無所掩欺也言刑無冤也皇帝
堯也鄭君說皇帝精問下民以下乃說堯事顓頊與堯
再誅苗民故上云遏絕苗民此云有辭于苗異代別時
非一事也清審也見江孫疏黜竄有辭于苗言黜竄因
于三苗之虐而有辭以諱也見王氏後案墨子尚賢篇
引此經羣后之逮在下十四字在有辭于苗之下逮作

肆其佗不燕蓋佗不蓋據墨子文則是帝堯審問下民
鰥寡其訟有苗之暴堯之羣后及下臣皆明察不掩欺
鰥寡也此亦一義江本從墨子文

德威惟威德明惟明

威一佗吳惟一佗維德所威則人皆畏德所獎顯則人
皆獎顯之也

乃命三后恤功于民伯夷降典折民惟制禹平水土主名
山川稷降播種農殖嘉穀三后成功惟殷于民

三后伯夷禹稷也恤慰也功事也見孫疏折一佗慙又

伯制制折古通用謂止之也伯夷降下典禮所以止民于制也見段說主名山川者江云立山川之主命山川之名也殷盛也

士制百姓于制之中以教祇德

言三后成功而後士師制禁百姓以制之平也中平也士一伯舜中一伯求祇敬也以教民敬德制以弼教也穆穆在上明明在下灼于四方罔不惟德之勤故乃明于制之中率乂于民棐臬

孫疏穆穆美也灼灼明也率吹同語詞棐輔也臬常也

言堯有穆穆之美在上三后明明之察在下灼見于四方無不恩德之勤故乃明于刑之中正聿治于民以輔舜常也本江

典獄非訖于威惟訖于富

孫曰訖止也富福也言主獄不當終于立威惟終于作福也本王伯申說

敬忌罔有擇言在身

江曰忌之言戒也外敬而心戒昏則無有可擇之言在于身也孫曰擇擇之偕字說文擇敗也身江本從表記

佗躬

惟克天德自佗元命配享在下

克肩也元鄭君訓大太命謂延期長久也惟肩任天德
自造延長之命配享福祿于下也言配者匹天休也

王曰嚳四方司政典獄非爾惟佗天牧

江曰司政典獄謂諸侯也非爾佗天牧乎言爲天牧民
也春秋傳曰天生民而立之君使司牧之

今爾何監非時伯夷播刑之迪

江曰播施也迪道也今女所監法非時伯夷施刑之道

乎式三案伯夷之道先德而後刑也

其今爾何懲惟時苗民匪察于獄之麗罔擇吉人觀于五
刑之中惟時庶威奪貨斷制五刑以亂無辜上帝不譴降
咎于苗苗民無辭于罰乃絕厥世

麗江訓附孫訓施庶多也多侈也庶威奪貨自侈其威
以奪取貨也譴潔不譴不潔之也天以苗民所行腥臊
不潔之而下禍誅之也

主曰嗚呼念之哉伯父伯兄仲叔季弟幼子童孫皆聽朕
言庶有格命

鄭君曰格登也登命謂壽考者孫曰格正也正命謂不夭折

今爾罔不由慰曰勤爾罔或戒不勤

曰語詞由慰曰勤相慰其已勤勞也戒不勤相戒其未勤勞也

天齊于民俾我一日非終惟終在人

齊等比也俾一作矜一作假假與五季須暇之暇同謂寬與之也非終謂天也終謂終其天率天等比我民寬與我民一日之命其天或不天實人主之戒司獄者能

天絕人命也

爾尙敬逆天命以奉我一人

江曰逆迎奉承也女庶幾敬迎天命以承我一人之教
雖畏勿畏雖休勿休惟敬五刑以成三德

休喜也見王氏述圖三德洪範之正直剛克柔克也事
之可思者勿思可喜者勿喜敬此五刑所以成三德也
一人有慶兆民賴之其寧惟永

江曰慶善也見詩傳

王曰吁來有邦有土告爾祥刑

吁一佗於古通用祥刑刑之善也鄭君本祥佗詳云詳
審察之也

在今爾安百姓何擇非人何敬非刑何度非及

及依史記佗宜諡通非人何擇非刑何敬非諡何度三
句皆例文

兩造具備師聽五辭

造一佗遭與曹通謂兩輩也江曰造至也具俱也師士
師聽平治也訟者兩至俱備其情實士師平治其訟辭
言五辭者入于五刑各有辭也

五辭簡孚正于五刑

簡誠也孚信也正治也江孫說五辭誠實乃治以五刑也

五刑不簡正于五罰五罰不服正于五過五過之疵

議以五刑而不誠以五罰治之五罰又不順以五過赦之服從也從順也疵皆通言顯白其失以告之勿刑罰也

惟官惟反惟內惟貨惟來其舉惟均

來馬融作來有來請賕也江曰官挾官威勢也反報恩

怨也內女謁也貨行賄賂也來干請也孫說史佗官獄
內獄官獄謂賢官之獄內獄謂中賢之獄或與高明或
投鼠忌器也孫又申馬說云貨爲勒索貨賄賂則以財
干請也

其審克之五判之疑有赦五罰之疑有赦

江曰克任也聽獄之事其詳審任之五判五罰之疑者
皆當有赦也據段孫說克戮之偕字審克詳戮也

其審克之簡孚有眾

江曰其詳審任之庶幾誠信于有眾

惟貌有稽無簡不聽具嚴天威

惟貌有稽言祇外貌有合也貌說文引佗緇江曰緇者
旄絲言散細也稽猶攷也合也但攷有攷合而無其誠
則不論以爲臯孫曰貌廣雅云治也史記佗訊訊亦治
也具嚴天威言其敬天威毋輕用刑也

墨辟疑赦其罰百鍰固實其臯

鍰一作選一作率歐陽夏戾說墨辟疑赦而罰百率古
以六兩爲率以六兩積筭之百鍰六百兩爲三十七斤
有八兩一說鍰者六兩三分兩之二則百鍰爲四十一

斤十兩三分兩之二江氏所謂太重似非也古文尚書
說鍤者十一銖二十五分銖之十三也百鍤三斤江氏
以爲近之江曰閔實簡閔當其實也其罰蓋用銅

剗辟疑赦其罰惟倍閔實其辜

江曰倍百鍤爲二百鍤

剗辟疑赦其罰倍鑒閔實其辜

剗今文作贖贖者剔去鄰端之骨也鄭君曰皋陶改贖
爲剗剗則也謂斷足也馬曰倍者倍二百爲四百也鑒
者又加四百之三分一凡五百三十三鍤三分鍤之一

也江曰倍藥者倍百鍰爲二百之外又差出二百之三分二凡三百三十三鍰三分鍰之一式三案差不等也倍之亦不一等

宮辟疑赦其罰六百鍰閹實其辜

宮辟公勢之罰六百史記作五百

大辟疑赦其罰千鍰閹實其辜

大辟死刑也後儒謂大辟亦可赦此山穆王枉法斂財之計實不然也後世之訟如老幼廢疾例許收贖與禮所謂悼與耄不加刑者相合又赦人者必死而律法戲

殺償命過失殺許贖以贖銀歸器家此正大辟疑赦之
例而法之至公至平無可議者誰謂大辟二百中無可
赦之皇哉

墨罰之屬千剕罰之屬千剕罰之屬五百宮罰之屬三百
大辟之罰其屬二百五刑之屬三千

江曰周禮五刑屬各五百合二千五百此三千者墨之
條曰歷時輒增也然墨剕倍于其初宮與大辟皆減焉
以是差之茲為輕矣此穆王詳刑之意也

上下比辜無僭亂辭

江曰僭差也制三千條上比下比期當其辜毋差亂其詞使輕重失實

勿用不行惟察惟法

勿用不行者謂勿用其已調除之法也惟察惟法惟察其當行之法也

其審克之上制適輕下服下制適重上服輕重諸罰有權江曰服治也下服減等也上服加等也本在上制之科而情適輕則減一等治之本在下制之科而情適重則加一等治之宜輕宜重有權焉不可執一也權者所以

審輕重而酌其平孫疏適訓過謂舉過也式三案適從也從輕則上刑而下治之從重則下刑而上治之與諸罰之輕重皆有權也

刑罰世輕世重

周官制新國用輕典刑平國用中典刑亂國用重典孫氏疏據之荀子云犯治之舉固重犯亂之舉固輕楊注云治世家給人足有犯法則眾惡之舉當重亂世人迫于饑寒犯法者多當輕也江氏注疏據之

惟齊非齊有倫有要

江曰上制適輕下制適重非齊也輕重有權隨世制宜
齊非齊也齊其非齊有倫理有要會式三案惟齊非齊
與非終惟終非從惟從句法同言刑罰或等齊或非等
齊必使之有倫理有要會也

罰懲非死人極于病非佞折獄惟良折獄罔非在中

江曰懲恣也刑罰以懲人卽非死人已極于病苦是
故折獄不可不吝也佞口才也口才辨給之人能使囚
寃于辭則容有辭詘無以自解而枉入刑者故非佞人
可以折獄惟良善之人折獄公正不偏無不枉中也

察辭于堊非從惟從

江曰囚證之辭或有參堊聽獄者于其參堊察之以求其情既尋其情非從其詞惟從其情式三案從順也或非順或順于辭之參堊察之

哀矜折獄

大傳曰子曰聽訟雖尋其情必哀矜之死者不可復生劉者不可復續也書曰哀矜哲獄哲假偕字也當爲折明啟刑書胥占咸庶中正

江曰折獄之事明開刑書相與占度皆庶幾中正

其制其罰其審克之獄成而孚輪而孚其制上備有并兩
制

江曰獄成而信矣乃輸汝信于上謂獄獄于王也其制
當茹上有一舉而疑輕疑重介于兩制之間者則并兩
制而上之以待決于朝孫曰上而猶能也下而猶汝也
王曰嗚呼敬之哉官伯族姓

江曰官伯謂司正典獄也族姓伯父伯兄仲末季弟幼
子僮孫徧呼而教之

朕言多懼朕敬于制有德惟制

江曰言制罰可俟我言之且多舉慰我甚敬于制也有
惠于民其惟制乎蓋惠猶惠也奪制則民受其惠故云
噉

今天相民位配在下

馬曰相助也式三案天佑助斯民能配天之澤者在人
也

明清于單辭民之亂罔不中聽獄之兩辭

江曰單辭一偏之辭也明清則不偏聽猶論語所謂片
言可以折獄也兩辭兩造之辭也明清于單辭則聽兩

辭燕不中矣民之所以治以燕不中聽獄之兩辭也式
三案中聽平以聽之也

燕或私家于獄之兩辭獄貨非寶惟府奉功報以庶尤

江本尤佻說江曰私家于獄之兩辭謂取貨于獄以成
私家之富府聚功事說舉也以獄取貨非可寶也惟聚
辜舉之事將報之以眾舉言將為天所罰也式三案家
猶富也禮曰不家于譽

永泉惟罰非天不中惟人在命

江曰所長泉者惟天罰也夫天之罰人非天道不中也

惟人自取之在其教命不中爾式三案在察也言天罰非不中平惟人自察其命耳

天罰不極庶民罔有令政在于天下

江曰極中令善也王者承天建中庶民于焉取中不中則天罰之庶民無有善政取法于下矣孫曰天罰猶天討王者代天行罰也王罰之不中則庶民無有善政在天下矣

王曰嗚呼嗣孫今往何監非德于民之中尙明聽之哉孫曰言嗣孫者詔諸侯永戒其後嗣言自今以往何所

監視非當立德于民之中乎庶幾勉聽之哉式三案何
監非德句言非德何監也中中道也于民之中道庶幾
明以聽之哉

哲人惟刑無疆之辭屬于五極咸中有慶

疆江本位置竟也辭訟也屬合也五極五刑之中也見
江孫疏哲人詳恩此五刑使民無竟之辭訟必合于五
刑之中故皆中而有善也

受王嘉師監于茲祥刑

江本祥化詳江曰嘉善師眾也受王之善眾而治之當

監于此哲人之詳刑也

文侯之命

王若曰父義和

王序以爲平王也義和晉侯仇之字也同姓侯故稱父
鄭君曰義讀爲儀儀仇皆匹也故名仇字儀鄭君解義
不解和解人之所不明者也馬從史記以此爲襄王命
文公之辭義和以義和諸侯也此今文家說

丕顯文武克愼明德昭升于上敷聞在下

馬曰昭明也上謂天下謂人昭一作邵

惟時上帝集厥命于文王

文王史臣文武

亦惟先正克左右昭事厥辟越小大謀猷罔不率從肆先
祖懷托位

鄭君曰先正先臣謂公卿大夫也江曰左右助也肆故
懷安也

嗚呼閔予小子嗣造天丕愆殄資澤于下民侵戎我國家
純

閔傷悼之言造遭通丕愆大咎也謂幽王爲犬戎所伐

也見江說殄絕也資財也澤祿也謂殄財祿于下民也
見孫疏純屯通賦也侵伐我國家之眾也

卽我御事罔或壽壽俊在厥服予則罔克曰惟祖惟父其
伊恤朕躬嗚呼有績予一人永綏在位

卽猶則也或有也克肩任也恤收也言遭此大愆則我
治事之臣罔有耆壽賢俊在其服位我則何以肩任之
也我竊冀念曰惟我祖行父行之諸侯其誰收恤我躬
伊誰同聲通用魏志策魏公文伊佐胤績功也有績上
本有克字見履氏石經校文諸侯能有收恤之功則一

人永安于位也

父義和汝克昭乃顯祖汝肇判文武用會紹乃辟追孝于
邦文人汝多修扞我于艱若汝予嘉

昭光也顯祖蓋謂唐叔虞也肇肇判法也謂光昭顯祖
之業敬法于文武也見江注會紹之紹依三體石經亦
作昭會昭同光昭之也乃辟平王自謂文人文德之人
也修長也汝多長捍衛我于艱難如汝者我所美也

王曰父義和其歸視爾師寧爾邦用賚爾秬鬯一鹵彤弓
一彤矢百盧弓一盧矢百馬四匹

秬鬯鹵見舛形赤色盧一佗旅盧旅皆黠之俗字黑色也馬四匹一乘也本江說

父往哉柔遠能邁惠康小民無荒寧簡恤爾都用成爾顯德

柔遠能邁義見舛惠康順安之也荒虛也荒甯空自安逸也簡恤爾都用成爾顯德江云簡閱撫恤爾都以成爾之明德也

秦誓

公曰嗟我士聽無譖于誓告汝羣言之首

鄭君曰誓其羣臣下及萬民獨云士者舉中言之江曰
首本也

古人有言曰民訖自若是多盤責人斯無難惟受責俾如
流是惟難哉

江本盤佗般江曰訖止若順般樂也民止自順是多樂
者責人則無難惟受責于人使如流水之從順是則難
哉

我心之憂日月遄遄若弗員來

江曰遄往員旋也我心之所患者弄日之事既往今追

悔而無及若日月之過往弗復旋來也員今本作云王伯申曰若乃也言乃弗云來也

惟古之謀人則曰未就予忌惟今之謀人姑將以爲親孫曰始之謀人則以未肯就予而憎惡之惟近之謀人且將以爲親附悔不聽故舊之言也式三案忘語詞未就予忌言未遂予心也說文引佗來就基基江本從之雖則云然尙猷詢茲黃髮則圖所愆

云一佗員猷一佗猶愆一佗魯雖則云然指未就之言也猷謀也

番番良士旅力既愆我尙有之

江曰番番讀當為幡幡老人頭白兒也旅讀為呂呂脊骨也字或作𠂔故省而為旅脊強則力壯故曰膂力幡幡然之善士膂力既過矣言衰老也我庶幾有此人而用之賢其識劑也式三案此謂親塞叔也有之謂親之見王氏述聞

佗佗勇夫射御不違我尙不欲

佗佗馬本作訖訖云無所省錄之兒江曰佗佗勇壯兒違失也射御不失濶度言多技也我庶幾不欲用之惡

其輕脫寡謀以取禍也式三案此謂超乘諸人也
惟截截善譎言俾君子易辭我皇多有之

馬曰截截詞語截削省要也江本易辭作易怠從公羊
傳江曰譎言佞巧言也論語曰友譎佞易怠猶輕惰也
皇況也佞巧之言使君子輕易怠惰忽于禍敗我況多
有其人乎式三案此譎言謂杞子也君子言在位者易
辭輕易其言謂三帥也皇遑通何也何多有之自怪其
親之也截截善譎言說文引他淺淺巧言一他譏譏善
婦言婦或又作婦

昧昧我愚之如有一介臣

江曰昧昧淺愚之意介大古篆相似介疑大之譌馬說
介訓耿介一本介作个

斷斷猗無他技

鄭君曰斷斷誠一之兒也他技異端之技也

其心休休焉其如有容人之有技若己有之人之彥聖其
心好之不啻如自其口出是能容之以保我子孫黎民亦
職有利哉

鄭君曰休休寬容兒有技才藝之技也若己有之不啻

如是其口出皆樂人有善之甚也美士為彥彥一佗盤
是一佗寔段曰盤與般同大也子孫上屬句黎民下屬
句職一佗尚孫曰職主也

人之有技冒疾以惡之

冒一佗媚

人之彥聖而違之俾不達是不能容以不能保我子孫黎
民亦曰始哉

鄭君曰違猶戾俾使也拂戾賢人所為使功不通于君
也始危也冒一佗媚江曰媚疾妒也是一佗寔

邦之杞隍曰出一人邦之榮懷亦尚一人之慶

杞一作阮江曰阮隍不安也裏安慶善也國之不安山
于一人國之光榮而安亦庶幾一人之善則用人可不
詳有哉此穆公懲并戒後之深意也

後學江陰邢世章

同校

孫

家鶯